

OKVIRNI SPORAZUM

SUKCESIVNA NABAVKA USLUGA KALIBRACIJE, VERIFIKACIJE I SERVISIRANJA RADARA I ALKOMETARA

Strane u okvirnom sporazumu:

1. **MINISTARSTVO UNUTRAŠNJIH POSLOVA KANTONA SARAJEVO – UPRAVA POLICIJE**, La Benevolencija br. 16, kojeg zastupa za policijskog komesara načelnik Sektora kriminalističke policije glavni inspektor Milorad Bašić, (u daljem tekstu: Ugovorni organ)
2. **MIBO Komunikacije doo Sarajevo, Tvornička 3, ID broj: 4200470540005 kojeg zastupa direktor Marko Boštjančić** (u daljem tekstu: Dobavljač)

Strane u okvirnom sporazumu saglasno konstatuju:

- da je Ugovorni organ u skladu sa Zakonom o javnim nabavkama (“Službeni glasnik BiH” broj: 39/14) proveo otvoreni postupak za sukcesivnu nabavku usluga kalibracije, verifikacije i servisiranja radara i alkometara za potrebe Uprave policije Ministarstva unutrašnjih poslova Kantona Sarajevobroj: 02-14-4-2039/19, sa ciljem zaključivanja okvirnog sporazuma sa jednim ponuđačem po lotu na period od 24 mjeseca;
- Okvirni sporazum ne predstavlja obavezu Ugovornog organa na zaključivanje ugovora o javnoj nabavci;
- Obaveza nastaje zaključivanjem pojedinačnih ugovora o javnoj nabavci, na osnovu ovog okvirnog sporazuma, u zavisnosti od potreba Ugovornog organa, a pod uslovima utvrđenim u ponudi ponuđača broj 569/19.

Član 1.

Predmet okvirnog sporazuma je utvrđivanje uslova za zaključivanje pojedinačnih ugovora o javnoj nabavci usluga kalibracije, verifikacije i servisiranja radara i alkometara za potrebe Uprave policije Ministarstva unutrašnjih poslova Kantona Sarajevo u skladu sa uslovima iz tenderske dokumentacije, ponudom Dobavljača, odredbama ovog Okvirnog sporazuma i stvarnim potrebama Ugovornog organa.

Količine navedene u specifikaciji su okvirne i vrijede za vrijeme važenja okvirnog sporazuma.

Vrijednost Okvirnog sporazuma bez PDV-a iznosi:

LOT 1 – nabavka usluga kalibracije, verifikacije i servisiranja stacionarnih radarskih uređaja „TRAFFISTAR SR 520“ - 20.860,00 (dvadesthiljadaosamstotina šesdeset i 00/100) KM bez PDV-a

LOT 2 - nabavka usluga kalibracije, verifikacije i servisiranja stacionarnih radarskih uređaja „ROBOT MULTARADAR S580“ - 2.760,00 (dvijehiljadestotinašesdeset i 00/100) KM bez PDV-a

LOT 3 - nabavka usluga kalibracije, verifikacije i servisiranja stacionarnih radarskih uređaja „TRAFFIVISION“ - 1.960,00 (jednahiljaddevetstotinašesdeset i 00/100) KM bez PDV-a

LOT 4 - nabavka usluga kalibracije, verifikacije i servisiranja ručnih laserskih radara i sistema za mjerenje brzine sa video i foto zapisom - 30.200,00

(tridesethiljadaidvijestotine i 00/100) KM bez PDV-a

LOT 5 - nabavka usluga kalibracije, verifikacije i servisiranja alkometara marke „DRAGER“ - 2.879,00 (dvijehiljadeosamstotinasedamdesetdevet i 00/100) KM bez PDV-a

LOT 6 - nabavka usluga kalibracije, verifikacije i servisiranja alkometara marke „ENVITAC“ - 38.525,00 (tridesetosamhiljadapetstotinadvadesetpet i 00/100) KM bez PDV-a.

Ukupna vrijednost ovog Okvirnog sporazuma bez PDV-a iznosi 97.184,00 KM.
Cijene su fiksne i ne mogu se mijenjati za vrijeme važenja ovog Okvirnog sporazuma.

Član 2.

Nakon zaključenja okvirnog sporazuma, ugovorne strane će zaključiti pojedinačne ugovore o javnoj nabavci.

Pri zaključivanju pojedinačnih ugovora, ne mogu se mijenjati bitni uslovi iz ovog Okvirnog sporazuma.

Član 3.

Ugovorni organ će ugovorenu cijenu plaćati Dobavljaču u roku od 30 (trideset) dana od dana po dostavljanju fakture.

Član 4.

Dobavljač se obavezuje da ugovorenu isporuku izvrši u roku od jednog (1) dana od dana prijema narudžbenice.

Član 5.

Ukoliko poslije zaključenja ovog Okvirnog sporazuma nastupe okolnosti više sile koje dovedu do ometanja ili onemogućavanja izvršenja obaveza definisanih Okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i utjecaja strana u okvirnom sporazumu i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Strana u okvirnom sporazumu pogođena višom silom odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 6.

Ovaj Okvirni sporazum se zaključuje na period od 24 mjeseca, a stupa na snagu danom obostranog potpisivanja.

Član 7.

Sva, eventualno sporna pitanja rješavat će se dogovorom, štiteći obostrane interese.



U slučaju nemogućnosti zajedničkog rješenja, eventualno nastalog spora, spor će rješavati nadležni Sud u Sarajevu.

Član 8.

Ovaj Okvirni sporazum izrađen je u četiri (4) istovjetna primjerka, od kojih po dva (2) zadržava svaka strana.

ZA DOBAVLJAČA

Direktor






Broj: 130/19

Datum: 13.05.2019 godine

ZA UGOVORNI ORGAN

za Policijskog komesara
Načelnik Sektora kriminalističke policije
Glavni inspektor
Milorad Bašić

Broj: 02-14-4-2440

Datum: 13.05.2019 godine